



**ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ԼՈՌՈՒ ՄԱՐԶՊԵՏ**

Ո Ր Ո Շ ՈՒ Մ

2 օգոստոսի 2018թ. թիվ 207-Ա

**ՀՐԱՄԱՆԱՏԱՐԱՇՏԱԲԱՅԻՆ ՈՒՍՈՒՄՆԱՎԱՐԺՈՒԹՅԱՆ
ՆԱԽԱՊԱՏՐԱՍՏՄԱՆ ԵՎ ԱՆՑԿԱՑՄԱՆ ՄԱՍԻՆ**

Համաձայն Հայաստանի Հանրապետության (այսուհետ՝ ՀՀ) կառավարության 2015 թվականի հունվարի 22-ի «Արտակարգ իրավիճակներում բնակչության պաշտպանության և քաղաքացիական պաշտպանության ոլորտներում ՀՀ պետական կառավարման և տեղական ինքնակառավարման մարմինների ու կազմակերպությունների պատրաստման և տվյալ ոլորտների հիմնահարցերով բնակչության ուսուցման կարգն ու ծրագիրը սահմանելու և ՀՀ կառավարության 2003 թվականի հունվարի 30-ի №134-Ն որոշումն ուժը կորցրած ճանաչելու մասին» №46-Ն որոշման հավելված №1-ի 6-րդ կետի 3-րդ ենթակետի և ՀՀ Լոռու մարզպետի 2018 թվականի հունվարի 22-ի թիվ 19-Ա որոշմամբ հաստատված «ՀՀ Լոռու մարզի արտակարգ իրավիճակներում բնակչության պաշտպանության և քաղաքացիական պաշտպանության համակարգերի նախապատրաստման 2018 թվականի հիմնական միջոցառումների պլանի» 13.1.1 կետի՝

Ո Ր Ո Շ ՈՒ Մ ԵՄ.

1. 2018 թվականի օգոստոսի 28-ին ՀՀ Լոռու մարզում իմ ղեկավարությամբ անցկացնել «ՀՀ Լոռու մարզի անտառային ու այլ բուսածածկ տարածքներում առաջացած խոշոր հրդեհների մարման աշխատանքների կազմակերպում և իրականացում» թեմայով հրամանատարաշտաբային ուսումնավարժություն (այսուհետ՝ ուսումնավարժություն):

2. Ուսումնավարժության ղեկավարման շտաբի պետ նշանակել ՀՀ արտակարգ իրավիճակների նախարարության փրկարար ծառայության Լոռու մարզային փրկարարական վարչության պետ, փ/ծ գնդապետ Կ.Հովհաննիսյանին:

3. Հաստատել՝

1) ուսումնավարժության ղեկավարման շտաբի կազմը՝ համաձայն թիվ 1 հավելվածի.

2) ուսումնավարժության մասնակիցների և միջնորդական խմբի կազմը՝ համաձայն թիվ 2 հավելվածի.

3) ուսումնավարժության նախապատրաստման օրացուցային պլանը՝ համաձայն թիվ 3 հավելվածի:

4. Ուսումնավարժության ղեկավարման շտաբի պետ, Լոռու մարզային փրկարարական վարչության պետ, փ/ծ գնդապետ Կ.Հովհաննիսյանին՝

1) մինչև 2018 թվականի օգոստոսի 10-ը ապահովել ուսումնավարժության անցկացման փաստաթղթերի մշակումը, հաստատումը և ուսումնավարժության մասնակիցներին տրամադրումը.

2) կազմակերպել ուսումնավարժության ղեկավարման շտաբի և մասնակիցների նախապատրաստումը՝ համաձայն սույն որոշման 3-րդ կետի 3-րդ ենթակետով հաստատված օրացուցային պլանի.

3) ուսումնավարժության անցկացմանը պատրաստ լինելու մասին զեկուցել 2018 թվականի օգոստոսի 24-ին.

4) ուսումնավարժության անցկացումից հետո 5-օրյա ժամկետում ներկայացնել արդյունքների ամփոփման արձանագրությունը:

5. Ուսումնավարժության մասնակիցներին՝

1) ճշգրտել արտակարգ իրավիճակներում գործելու համապատասխան պլանները.

2) ապահովել սույն որոշման 3-րդ կետի 3-րդ ենթակետով հաստատված օրացուցային պլանով նախատեսված միջոցառումների իրականացումը և ըստ սահմանված ժամկետների տեղեկացնել ուսումնավարժության ղեկավարման շտաբին.

3) ուսումնավարժության նախապատրաստման ընթացքում համագործակցել ուսումնավարժության ղեկավարման շտաբի հետ.

4) ուսումնավարժության անցկացման ընթացքում պատրաստ լինել զեկուցելու կատարված միջոցառումների մասին:

6. ՀՀ Լոռու մարզպետարանի գործունեության լուսաբանման համակարգող Հ.Հակոբյանին՝ ապահովել ուսումնավարժության անցկացման ընթացքի լուսաբանումը մարզային լրատվամիջոցներով:

7. Սույն որոշումը տրամադրել ուսումնավարժության մասնակիցներին:

8. Սույն որոշման կատարման հսկողությունը վերապահում եմ ինձ:

 Invalid signature

X 

ՀՀ ԼՈՐՈՒԻ ՄԱՐԶՊԵՏ

Հ.ՄԱՐԳԱՐՅԱՆ

2018թ. օգոստոսի 2
ք.Վանաձոր